

Reforme znače ekonomski razvoj, a on znači bolju kvalitetu života u Brčkom



Dinamika reformi iz prethodnih 18 mjeseci u Distriktu treba se nastaviti i u predizbornom periodu, jer je to najbolji način da izabrani dužnosnici služe javnom interesu, izjavio je danas prvi zamjenik visokoga predstavnika i supervizor za Distrikt Brčko Michael Scanlan.

Supervizor se sastao s gradonačelnikom Brčkog Sinišom Milićem, njegovim zamjenikom Antom Domićem, predsjedavajućim Skupštine Distrikta Esedom Kadrićem te dopredsjedavajućim Ivom Filipovićem. Također se sastao sa šefom Policije Brčkog Goranom Pisićem, predstavnicima Privredne komore Distrikta, koordinatoricom reforme javne uprave Distrikta Vesnom Mišović, kao i direktoricom za korporativne komunikacije "STUDEN & CO Holdinga" Natašom Pucar.

Supervizor Scanlan rekao je kako očekuje da se na sljedećoj sjednici Skupštine usvoje Zakon o udrugama i fondacijama i Zakon o pravima nacionalnih manjina, jer su oba od suštinske važnosti za dobru upravu i socijalnu uključenost.

Scanlan je pohvalio uspostavu registra prihoda uposlenih i imenovanih uposlenika u javnom sektoru prošloga mjeseca, jer se na taj način javnosti daje prilika da ocijeni jesu li javne usluge sukladne utrošenim sredstvima. Ovaj registar također pomaže da se utvrde mogući sukobi interesa i u skladu je s

naporima radne skupine koja radi na pripremi novoga Zakona o sukobu interesa, koji treba biti usvojen u prvih nekoliko mjeseci novoga mandata Skupštine.

Supervizor je pohvalio Jedinicu za provedbu projekta Luke Brčko koja je poduzela potrebne korake kako bi sljedećega mjeseca objavila tendere za radove na osuvremenjivanju Luke, pristupnu prugu i put. Cijeli Distrikt će imati koristi od povećanja opsega ekonomske aktivnosti koje će donijeti moderna luka.

Scanlan je pozdravio i sutrašnje potpisivanje Memoranduma o razumijevanju između Vlade Distrikta i UNDP-a o korištenju 500.000 KM iz posljednjega rebalansa proračuna za početak radova na poboljšanju energetske učinkovitosti javnih objekata u Brčkom.

“Učinkovitost uporabe javnih sredstava za dobro zajednice, veća transparentnost u trošenju tih sredstava, te poboljšanje infrastrukture napraviti će od Distrikta ne samo dobro mjesto za život nego pogodno poslovno okruženje za investicije, a tako će u Brčko doći i dobro plaćena radna mjesta u privatnom sektoru. Vrijeme je da vlasti pokažu kako oni to mogu napraviti, između ostalog i kroz uspostavu slobodnih poslovnih zona kako bi se olakšalo malim i srednjim poduzećima da uđu na brčansko tržište,” rekao je supervizor.

Scanlan je apelirao na sve stanovnike Brčkog da se striktno pridržavaju epidemioloških mjera koje su donijele vlasti. “Život se mora nastaviti i zato je još važnije da svi građani poštuju zaštitne mjere – nošenje maski, tjelesnu udaljenost i pranje ruku – kako bi zaštitili sebe, svoje obitelji i svoju zajednicu od covida-19,” naglasio je Scanlan.